

Bosna i Hercegovina
FEDERACIJA BOSNE I HERCEGOVINE
TUZLANSKI KANTON

KANTONALNI SUD U TUZLI

Broj: 030-0-Su -21-000 372

Datum, 07. oktobar 2021. godine

Na osnovu čl. 74., 75. i 76. Zakona o državnoj službi u Tuzlanskom kantonu („Službene novine TK”, broj 7/17, 10/17, 10/18, 14/18 i 8/21), Pravilnika o unutrašnjoj organizaciji Kantonalnog suda u Tuzli broj: 003-0-Su-20-000 700 , Odluke Vlade Tuzlanskog kantona o davanju saglasnosti za prijem jednog namještenika u radni odnos na neodređeno vrijeme broj: 02/1-30-12115/21 od 07.09.2021. godine, predsjednik Kantonalnog suda u Tuzli **objavljuje**

JAVNI OGLAS

za prijem namještenika u radni odnos na neodređeno vrijeme

Naziv radnog mjesta:

1. Viši referent za administrativno-tehničke poslove (sudski dostavljač)1 izvršilac

Opis poslova:

- vrši spoljnu dostavu pošte i predmeta za ovaj sud po zaduženom reonu od strane sekretara suda ili šefa Odsjeka,
- vrši predaju dostavnica od uručene pošte istog dana ili narednog dana sa početkom radnog vremena namješteniku za otpremu pošte uz odgovarajuću evidenciju,
- vrši dostavljanje pošte u pravosudne organe u zgradi suda putem odgovarajuće knjige za dostavljanje otvorene za navedene organe,
- vrši dostavljanje pošte za Kazneno popravni zavod Tuzla, Ministarstvo unutrašnjih poslova TK, PU Tuzla i druge organe i ustanove,
- vrši dostavljanje i podizanje pošiljke ovog suda putem PTT-a,
- vrši dostavljanje pošiljke strankama poslije radnog vremena uz pomoć Sudske policije,
- vrši dostavljanje podnesaka i dostavnica pisarnici i

- obavlja i druge poslove po naredbi predsjednika suda, sekretara suda i šefa Odsjeka.

Pored općih uslova predviđenih članom 76. Zakona o državnoj službi u Tuzlanskom kantonu i to:

- da je državljanin Bosne i Hercegovine;
- da je stariji od 18 godina;
- da je zdravstveno sposobno za obavljanje poslova radnog mjesta;
- da ima vrstu i stepen školske spreme potrebnu za obavljanje poslova radnog mjesta;
- da u posljednje dvije godine od dana objavljivanja internog oglasa kandidat nije otpušten iz organa državne službe kao rezultat disciplinske kazne na bilo kojem u Bosni i Hercegovini i
- da kandidat nije obuhvaćen odredbom člana IX stav 1. Ustava Bosne i Hercegovine,

potrebno je da ispunjava i posebne uslove predviđene Pravilnikom o unutrašnjoj organizaciji Kantonalnog suda u Tuzli i to:

SSS, IV stepen – gimnazija ili druge srednje škole IV stepena svih smjerova, završen kurs za kompjutere najmanje II stepen, najmanje 10 mjeseci radnog staža

Uz prijavu na javni oglas prilažu se sljedeći dokumenti (original ili ovjerene kopije) :

- Prijava na oglas;
- Izvod iz matične knjige rođenih;
- Diploma ili Svjedočanstvo o završenoj srednjoj školi;
- Uvjerenje o državljanstvu (ne starije od 3 mjeseca);
- Potvrda o radnom stažu u trajanju od najmanje 10 (deset) mjeseci;
- Uvjerenje o poznavanju rada na kompjuteru;
- Izjavu ovjerenu od nadležnog organa kojom se potvrđuje da u posljednje dvije godine od dana objavljivanja javnog oglasa kandidat nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini i
- Izjavu ovjerenu od nadležnog organa da kandidat nije obuhvaćen odredbom člana IX stav 1. Ustava Bosne i Hercegovine.

Izabrani kandidat je dužan dostaviti ljeakarsko uvjerenje o općoj zdravstvenoj sposobnosti prije preuzimanja dužnosti namještenika, ne starije od 3 (tri) mjeseca.

NAPOMENA:

Sa svim kandidatima čije prijave budu blagovremene i uredne obaviti će se usmeni razgovor. Kandidati koji se ne pojave na usmeni razgovor smatraće se da su odustali od daljne konkursne procedure. O terminu održavanja usmenog razgovora kandidati će biti naknadno obaviješteni. Ukoliko se izabrani kandidat prvi put zapošljava u organe državne službe dužan je proći razdoblje probnog rada, koje obuhvata vrijeme uvođenja u posao i vrijeme obavljanja dužnosti i ukupno traje 3 mjeseca.

- Rok za podnošenje prijave kandidata je 15 (petnaest) dana, od dana objavljivanja oglasa.
- Nepotpune i neblagovremene prijave neće se razmatrati.
- Prijave sa traženim dokazima o ispunjavanju svih uslova iz javnog oglasa dostaviti na adresu: Kantonadni sud u Tuzli, ulica Maršala Tita broj 137 sa naznakom „Javni oglas prijem namještenika u radni odnos na neodređeno vrijeme“.



PREDSJEDNIK SUDA

Indira Hadžimehmedović